

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCLXVII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

CCLXVII.

CAROLUS IV. IMP. RELUITIONEM ORTENAVIÆ EX
MARCHIONUM BADENSIIUM MANIBUS FACTAM
ECCLESIE ARGENTINENSI
CONFIRMAT.

ANNO MCCCLI.

Ex tabulario Bada-Badensi.

CAROLUS Dei gratia Romanorum Rex semper Augustus, & Bohemix Rex, notum facimus universis, quod cum venerabilis Bertholdus Episcopus Argentinensis princeps devotus noster charissimus suo, & honorabilis Capituli sui nomine, atque vice, castra, bona, oppida, civitates, & prædia utpote Ortenberg, Offenbourg, Gengenbach & Celle, cum jurisdictione in Mortenauw, advocatijs, & omnibus pertinentijs suis à nobilibus *Friderico & Rudolpho Marchionibus de Baaden*, nostris & imperii fidelibus, quibus prædicta à sacro Romano imperio obligata fuerunt, in nongentis marcis puri argenti, quatuor millibus librarum Hallensium, & quinque millibus florenorum redemerit, & rite ac rationaliter duxerit exsolvenda, nobisque suo & dicti sui Capituli nomine supplicarit attente. Quatenus redemptionem, & exsolutionem prædictam approbare, ratificare, & confirmare de benignitate solita dignemur.

Nos ad supra dicti Episcopi devotam supplicationis instantiam, præsertim cum juste petentium vota, pie mereantur admitti, resignatione prædictorum pignorum in manus nostras Regias ritè suscepta, di-

etiam redemptionem sive exsolutionem factam legitimè , ut præmittitur , gratam & ratam habentes, approbantes, & de benignitate Regia confirmantes, supra dicto Episcopo Argentinensi, honorabili suo Capitulo successoribus ipsorum, & Ecclesie Argentinensi præfatæ animo deliberato, non per errorem, aut improvidè, sed sano nostrorum Principum, nobilium, & procerum accedente consilio supra dicta castra, bona, oppida, civitates, & prædia, Ortenberg, Offenburg, Gengenbach, & Celle, jurisdictiones, advocatias in Mortenau cum omnibus censibus, redditibus, proventibus, fructibus, obventionibus, emolumentis, juribus, honoribus, gratiis, consuetudinibus, libertatibus, immunitatibus, villis, agris, cultis, & incultis, pascuis, pratis, silvis, nemoribus, rubetis, montibus, vallibus, planis, vineis, desertis, vijs, invijs, fluvijs, ripis, stagnis, paludibus, aquis, & eorum decursibus, moleninis, piscinis, piscaturis, venationibus, aucupationibus, monetis, thelanijs, datijs, pedagijs, conductibus, dominiis, jurisdictionibus, judiciis, juribus patronatus, Ecclesiarum & beneficiorum quorumlibet, homagijs, feudis, feudatarijs, vassallis, militibus, clientibus, civibus, servitoribus, rusticis, agricolis, & censitis, districtibus, territoriis, appendiciis, & omnibus simpliciter pertinentiis suis quibuscunque specialibus vocabulis designentur, prout ad nos, & sacrum Imperium spectarunt, quatenus pro ante dictis nongentis Marcis argenti puri, quatuor millibus librarum Hallensium, & quinque millibus florenorum, ut præmittitur, nec non pro quinque millibus florenorum ex novo, in quibus præfatis Argentinensi Episcopo, Capitulo, & Ecclesie supra dictæ propter multiplicia grata quidem, & utilia servitia, quæ nobis & Imperio tam fideliter, quam exhibuisse noscuntur, specialiter obligamur, nomine

& titulo veri & iusti pignoris obligamus habenda, tenenda, possidenda, & uti fruenda pacificè fructibus, redditibus, & percipiendis quibuslibet, quos & quæ ipsis meritis probitatis eorum ritè pascentibus, de innata nobis Regiæ benignitatis clementia erogavimus, non decutiendis in forte, donec nos & successores nostri, duntaxat Romanorum Imperatores, sive Reges, & non inferioris cujuscunque statûs, sive conditionis homines, seu personæ, dictis Episcopo, Capitulo & Ecclesiæ Argentinensi supra dictas summas pecuniarum ad plenum, & sine diminutione solverimus integraliter, & ex toto. Liceat etiam Episcopo, & Capitulo præfatis omnia bona, agros, possessiones, & prædia ad præfata castra, civitates & oppida, quovis jure spectantia, quos & quæ divi prædecessores nostri obligasse seu alienasse noscuntur &c. pro summis quibus in obligatione tenentur redimere, & impendendas pecunias hujusmodi, una cum expensis, quas pro reparatione & melioratione ædificiorum fecerint, quæ tamen in casu exsolutionis faciendæ à tribus fide dignis viris, quos nostra celsitudo, vel successores nostri Romanorum Imperatores, sive Reges eligendos duxerint, ritè taxari debebunt, in fortem summarum principalium totaliter computare, non obstantibus legibus, consuetudinibus, juribus, statutis publicis, privatis, seu municipalibus, & alijs sanctionibus quibuscunque quibus omnibus, si & in quantum præsentis nostræ largitionis indulto adversari censentur, de certa nostra scientia derogamus præsentium, sub nostræ Majestatis sigillo testimonio litterarum. Datum in Budweifs oppido regni nostri Bohemiæ anno Domini millesimo trecentesimo quinquagesimo primo indictione quarta. XV. Calend. Maij, Regnorum nostrorum anno quinto.
